

柳待制文集

五

蘇軾
評語
船

PDG

柳待制文集卷之二

古詩

五言

度居庸關

居庸朔方塞始入兩崖張行行轉石角細路縈澗岡
層壑倒天影半林漏晨光崎嶇里四十所歷萬羊腸
千轅絡前後兩軌通中央谷開稍夷曠在險獲康莊
豈唯遂生聚列壘森鷹行激流或機礮架广亦僧坊
我來山水窟愛此不能忘是日新雨已浮嵐亂霏裳
水聲與石鬬風飄韻清商踟躕不知高游雲翼超驤
斧牒曩有聞經途今始詳緬惟古塞北八州猶漢疆
控扼識形勢會同知樂康屬茲景運開六服聯綏荒

門京備巡韋離宮爰相望守獄將考制如祠匪求祥
式瞻寵德中丞徽皇業昌請繼王會篇勿賡祁招章

李老谷聞子規

杜老聞子規近在東西川猶云感時物杖屨寓幽悄
今我行塞徼子規相後先時夏雲景晦鳥呼搖空烟
響入樹窅窅啼垂血濺濺想知岐路難不恤軀命全
千聲復萬聲喚我歸言遄苟非木石心豈免腸內煎
江南叢薄間有花名杜鵑開時是鳥至相戒治春田
不歸如江水負此今五季風土孰云異物情要有遷
寄巢勿浪出祝爾還自憐嚴程趣行邁且復揮吾鞭

龍門

一溪瓜蔓流渡者云可亂屢涉途已窮前臨波始過

巖巖龍門峽石破兩崖半沙浪深尺餘灣洄觸恨岸
它山或澍雨湍漲輒廉悍頃刻漂車輪霸絡不能絆
其源想非遠衆水自茲濫濟淺抑何艱慮盈疑及患
峯陰轉亭午出險馬蹄散草路且勿驅烟開望前館

望李陵臺

平沙北流水青山在其上李陵思鄉臺駐馬一西向
草根含餘凄峯尖入寒望俚言雖莫稽陳跡尚可訪
想其深入初步卒二林壯手張天子威氣奪名王帳
覆軍陷囚虜此志迺大妄一為情愛牽皇恤身名喪
縷縷中郎書挽使同跌踢安知臣節恭之死不易諒
河梁孰別處出語謗惆悵家聲故煒赫三世漢飛將
兵法有死生人運迭休旺忠回在信史豈沒功罪狀

馬遷當腐刑強欲雪其謫土思豈能無層雲塞亭障
千年麒麟圖吾將孰玄咎

五月八日至上都國子監作

今晨得佳馬驛行趨上京却顧沙莽幕前瞻車載旌
翠華戒鳴蹕肅肅遠有聲馳道無十里雲開雙闕明
跡既阻奉引班非陪列卿言尋園驛宮紆徐臨雉城
第地三數畝虛堂十餘楹稍加溉掃勤得遂憩息清
韓公博士年實教東都生今我最冗官懷鉉從北征
古來玄朔地雅頌二鍾轟豐芑德甚廣韋編義尤精
前脩有軌轍後生多俊英抑將授何業可使器早成
寧無子衿刺僅免吏牘嬰高居謝暑濁曠矣羲皇情
曉發龍門次獨石賦呈楊廷鎮脩誤

日日思南歸乃送北風去北風不憊客吹雪作寒沍
明當發龍門一昔屢驚怖男兒事結束辛苦在岐路
奉命有程期遭迴豈吾據沙平占斗行野斷蹠冰渡
重貂襲裘帽檣檣若紉素據鞍肌骨痛勁氣腸內注
口鼻一吸噓噴噴鬚上露露泫已成澌虬張本非怒
瞻前獨石近投館薪火具聯鑣有佳友執醪起相語
我實孱懦姿踰五已斜暮隩居尚少欣遠役宜多懼
明廷集鵷鸞燕雀一二數曷不捐半菽啜菹隨所慕
置危而易安正以縻爵故先廬越西阨亦有返耕處
吾聞知幾士顏子其殆庶翩翩不遠復綽綽有餘裕
贈君白雲篇還我歸田賦

乘海青車過赤城鵬窩

小車簾為巾中箱劣容坐服轅一牡良貼鞞兩騾佐
輕行涉嶺坂捷若風鶻過手雖息鞭箠身已倦軒轂
世間取快事往往遭蹶挫吾歸亦是客奔迫理誠那
緩取良自佳山光曉來破一瞬數里踰浮青猶幾箇
逢迎不我舍知我行意情故園果下駒三歲想勝馱
閑從白社遊間即豐艸卧成吾看山福豈不在老大

送俞伯貞祝蕃遠下第南還三首

闢塗將進賢設科大蒐羅有司執衡度稱物平無頗
一語不從律萬言徒自訛微仲已什百小軋能幾多
完此不雕玉虹光亘巖阿

栖遲兔園讀已後澤宮射兩豪吾所賢九執看方駕
奈何愚子弟竟使劉蕡下文章如羣龍其智可變化

乘軋忌孤剛君子有時舍

北學自姬孔此道日星垂
春陵建南標然陽燠重徽
何嘗限風氣但務開民彞
我昔弄詞翰屢亦逢黜咄
歸歟理吾書与子指隴期

十二月七夜畏寒無寐閱陳景仁都曹雲南
行卷為和雜詩八首用其韻而不用其意蓋
景仁之作在賦詠而予之狂言則發於興比
之間要不必同也

古樂入今耳間歌纔一成
頌鍾在高懸淫哇不能嚴
彼昏但坐睡我聽心和平
曷不薦廟郊使之配咸英
式觀三雍拜遂陪千畝耕
天驥不可得我嘗有其圖
非無相馬法僅出智之餘

騏驎與駟駱一一隨指呼踈齧性豈異區分意何欤
求之銜縻間徒以利爲漁耳哉論形侶蹄涔語江湖
豪氣久已無詩成差自喜是中高高樓安敢卧餘子
十步九跋躑百年三仕已方輪豈能行曲几無足倚
有田歸去來編名附閭里

青山引塞望趙北與燕南孰云古人跡不使今人揅
謬從下士秩章服裹朱藍聽雞鼓統統懷謁府潭潭
孱顏入我夢五年心內慚此丘元不愚彼泉豈其貪
一咲擲憂患浮曦在圓庵

日月相麗行有時而異虧君看明堂柱基構實丕丕
人心即天理何嘗有畧危制政自帷幄流風被疆陲
轉旋乾坤正綱紀賴不隳已日歎乎草繼明仰重離

歲功適已成祁寒無怨咨

嘗聞學道人即有以觀無如何彈鋏殷嗟嗟為車魚
董生漢儒者卓哉彼丈夫當時江都相豈視大梁屠
仁義言鵠如我興久踟躕

陳君自少年高步已青霄近來鞍馬間髀肉漸漸銷
羨玉琢廟葦胡不舟以瑤乃令坐郎署兩賢日蕭蕭
君子尚難進躁夫率狂飄皮冠豈非禮寄謝虞人招
大龜尺二寸至竟有何神備物使納錫乃在九江濱
我昔用支床吐故以納新苟能避鑽灼何必愧泥塵
養生實有主徇名豈其賓

舟次衢州

道然青霞君問我廿年別南洄復西汎有行何屑屑

京塵苦未浣玄葆變霜茁是身本不貴吾計乃自謫
情知祿萬鍾顧豈在筆舌毛錐強解事塗抹豈駕說
從誰飾竿牘若己負羈紲停舟此水濱滯慮一凜雪
可能招翔鸞為尔恨啼鴉珎重幽桂叢高枝待予結
晚泊貴溪遊象山昭真觀

舟行弋陽道山石多異狀嵌空露鍾竅屹立儼珪甃
沿洄百數里璚鐵森相向最奇象巖下仙館占丹嶂
含擢遵微行松篁插雲上開門看青壁左右挾高閑
飛雨灑面來輕颺入簷颺道人出迎客牖戶坐南嚮
延登昇僊臺境肅神滋王不知日車側但覺天宇曠
我生名山遊正費屐幾兩采真喜初遇戀勝期屢訪
布帆催夕舉未敢恨飄蕩水深彭蠡湖回眸更東望

杜家三甥潯陽官滿明年當致其事來洪都
取薦牘却攜家東歸留連數旬醉吟惜別

甥家內外嫻十七著門關鼎遷變則大強半異存沒
沒者風燼銷存者枯株杭官遊四十年翁今亦華髮
征商上孝第休致迫期月取別來枉途親情為之竭
小留寧久久仰見圓蟾缺官餐無厚味歸袂當明發
言尋九江柁轉上吳門筏還山朱夏初生事及薇蕨
歡顏撫群穉一洗道間暘仕官至懸車如射釋於筭
又如解奔鞅回謝彼銜廩遂收塵土軀併棄權門謁
百年百醉醒飄風幾何忽背雖無銘文頭已有壽骨
飲水看三丘青山青碑兀

送劉州讜赴潮州韓山山長

揭陽海陬郡谿谷藏霧毒賈區乃在城積居踣南服
凡今仕者往喜氣溢僮僕非輕万里途盖善千金蓄
子行攜束書言就韓山讀韓山祀昌黎有酒有肴款
騎麟想未過盱盱攬遺躅汛除蠻風清沾漑時兩足
以茲為教首如日升若木何必鰥避溪已看雞應卜
今人慕古人未免傷抑促儒官實閑散歲廩七十斛
飽飯取詩哦雲月与追逐寧無趙子徒彈琴和子筑
是將實裝橐果勝羹梁肉毋羞宦轍卑所志三年穀
子其厚韓山聽我歌獨漉我歌儻無證併訊兩黃鵠
康端玉蔡輔之和予言懷之作清愁可愛曰
再用韻答贈二友

自吾得二友所譚皆古初如臨左右鑑併引後前車

相觀善已至薄獲穢全除詩成諷在口道契微諸書
並秀方卓尔早衰獨紛如念茲鉉業未棄櫟斲餘
衆塵適可厭一袂豈勝拘間曰邪轍什覆謂正途迂
賦無籍鸚鵡祀有及爰居大雅屬寥闊斯文竊涵濡
自彼柯葉改何嘗本根無裁將騏驎罰飾作馬牛裾
世雖混空假聖猶公毀譽虞箴不在戮士服僅如狙
凡物有合氣非秦獨能廬區區學章句咄咄事歌歆
若已困糠粃從誰問薪芻消流積至海廣陌莽成墟
吾徒慎修習世好等乖踈蚩蚩善賈者取謚信為愚
林敬輿將赴宜春筦庫之任過鍾陵訪予官
舍道別來出處相對惘然即賦為贈

吾聞昭文氏鼓琴息其生聽者耳無聰謂琴有虧成

玄木朱絲絃備之以聲形奈何至治音卒負不平鳴
敬輿江夏耒又欲西南征闊別十五年撫鏡各星星
人生不滿百憂患每相嬰覆鼎有傾否僨車無折衡
霜松獨也正受變愈青青桓威已糞壤孔孟猶光晶
儒者有要歸体用實兼行無輕平準書操奇制其贏
此事足為理豈以仕易耕三歲如風花瞥眼秋葉零
宿桑尚可戀息炬自全明宜春州郭小山水刻且清
便將夔焚比益使賦詠精妍辭難為好苦力特易盈
滿我塵土胸漱君瓊瑤英進琴出寢語為悲別時情

送富州章仲實判官解歸

豐城縣為州民碧事叢脞雖憑節制尊未底析楊卧
吾原共理心憂不在吏課授人以太阿芒刃能勿挫

韋君一屏星駕用良馬馱人言甲科郎屈跡郡丞佐
置之奔輪間寸跬無少蹉夫知勤保惠不計減寒餓
才多適自煩有席不暖坐最其芻牧功連罷富杭稌
君去誰則來毛髮責吾過今年秋風高更畏茅屋破
吾聞爲歎息此道無坎坷詩書有利澤元造所蓄播
是心苟不存卿相徒尔大起瞻東辟明詎患南箕簸
君懷有至寶萬金難並慎慎德抑良圖餘事堪一嘆
行舟未覺遠雲樹渺千箇寄聲執法家須君警貪惰
鄭萬里再赴廣東辟書題其所藏深村晚景
圖因以贈別

江西到南海滿橐貯山川融液出賸語泉珠瀉勻圓
誰無疑恙甘我見皆雲烟餘情在所寄手把無聲篇

寒開攬秀色群玉數峰前洪厓願之笑言嘗拍其肩
豈有雙太阿埋晶牛斗邊寒廳夜來夢五羊載五僊
騰景道君御海童歌後先澗中菖蒲根綠節如蜿蜒
溉烹作鼎實薦進旅盥莛是物能益氣於人可長年
唯應雲中君解顧為君妍功名來無期進思方沛然
題詩代畫記蹇淺詎堪絃

題牕外木栗叢

木栗比經雨抽梢將過尋藩籬苦不高爭長意駸駸
愛此莖葉間綠緜映蕭森簷前數步地藉以成幽陰
稍令晨光薄豈憚午暑侵我屋如橫舟風來一開襟
淮浦萑葦岸越江篁竹林以人見眉睫失喜聞挈音
薪秭供歲晚糗糧侍秋深小得償作勞不歸如此心